

ახმეტის მუნიციპალიტეტის საკრებულოს
ბიუროს სხდომა
ოქმი №4

22 მარტი, 2019 წელი

ქ. ახმეტა

თავმჯდომარეობდა: თ.ყეინიშვილი-ახმეტის მუნიციპალიტეტის
საკრებულოს თავმჯდომარე

ბიუროს სხდომას ესწრებოდა: რ. ბადაკაშვილი, ბ.ჭიჭიკლიშვილი
ლ.ითიურიძე, ა.ბულრიძე
ა.შათირიშვილი, ნ.ალავიძე
გ.წითელაური

სხდომას ესწრებოდნენ: მუნიციპალიტეტის მერის
მოადგილე: ვ.ნასყიდაშვილი,
საფინანსო-საბიუჯეტო სამსახურის
უფროსი - მ.მაისურაძე

სხდომა გაიხსნა 11⁰⁰საათზე.

სხდომის თავმჯდომარე თ.ყეინიშვილმა გახსნა სხდომა და ბიუროს წევრებს გააცნო დღის წესრიგი.

დღის წესრიგი:

1. „ახმეტის მუნიციპალიტეტის 2019 წლის ბიუჯეტის დამტკიცების შესახებ“ ახმეტის მუნიციპალიტეტის საკრებულოს 2018 წლის 25 დეკემბრის N66 დადგენილებაში ცვლილების შეტანის თაობაზე;

/მომხსენებელი - მარინა მაისურაძე/

2. „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე“ ახმეტის მუნიციპალიტეტის მერის მიერ წარმოდგენილი საპროექტო წინადადების მოწონების შესახებ;

/მომხსენებელი - ვანო ნასყიდაშვილი/

3. ახმეტის მუნიციპალიტეტის 2019 წლის სოფლის მხარდაჭერის პროგრამის ფარგლებში დასაფინანსებელი პროექტების დამტკიცების შესახებ;

/მომხსენებელი - ვანო ნასყიდაშვილი/

ბიუროს სხდომის თავმჯდომარემ კენჭი უყარა დღის წესრიგის მიღებას, რასაც ერთხმად დაუჭირეს მხარი.

მოისმინეს: ახმეტის მუნიციპალიტეტის 2019 წლის ბიუჯეტის დამტკიცების შესახებ” ახმეტის მუნიციპალიტეტის საკრებულოს 2018 წლის 25 დეკემბერის #66 დადგენილებაში ცვლილების შეტანის თაობაზე;

მომხსენებელმა გააცნო დამსწრე წევრებს ინფორმაცია ბიუჯეტში შესატანი ცვლილების შესახებ: წარმოდგენილი ცვლილებების შედეგად მუნიციპალიტეტის 2019 წლის დამტკიცებული ბიუჯეტის მოცულობა იზრდება მთავრობის განკარგულებით გამოყოფილი კაპიტალური და მიზნობრივი ტრანსფერებით, რომლის მოცულობა შეადგენს 1639,1 ათას ლარს.

შემოსავლები

1. 2018 წლის 31 დეკემბრის N2577 განკარგულებით გამოყოფილ თანხას დაემატა 1563,6 ათასი ლარი. აქედან:

- ქ. ახმეტის #1 საბავშვო ბაღის რეაბილიტაცია 696,0 ათ. ლარი.
- სოფ. ახალშენში მისასვლელი გზის რეაბილიტაცია 476,5 ათ. ლარი.
- ქ. ახმეტაში საბეროს შიდა საუბნო გზის რეაბილიტაცია 168,1 ათ. ლარი
- ქ. ახმეტაში რუსთაველის ქუჩაზე ტროტუარებისა და ბორდიურების მოწყობა 223,0 ათ. ლარი.

2. საჯარო სკოლების მცირე სარეაბილიტაციო სამუშაოებისა და მოსწავლეთა ტრანსპორტით უზრუნველყოფის უფლებამოსილებების დელეგირების მიზნით გაიზარდა მიზნობრივი ტრანსფერის მოცულობა 75,5 ათ. ლარით.

დანარჩენი ცვლილება გამოწვეულია შიდა პარამეტრების ცვლილებით

ზრდა

არაფინანსური აქტივების ზრდა +4,8 ათ. ლარი

არქივის მომსახურების ხარჯი +4,0 ათ. ლარი.

ბაღების არაფინანსური აქტივების ზრდა +45,0 ათ. ლარი

კლება

გრანტები - 8,8 ათ. ლარი

სკვერები - 15,0 ათ. ლარი

ა(ა)იპ საბავშვო ბაღების სუბსიდია - 30,0 ათ. ლარი.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე“ ახმეტის მუნიციპალიტეტის მერის მიერ წარმოდგენილი საპროექტო წინადადების მოწონების შესახებ;

მომხსენებელმა გააცნო დამსწრე წევრებს ახმეტის მუნიციპალიტეტის მერის მიერ წარმოდგენილი საპროექტო წინადადების შესახებ, რომელიც ეხება სოფელ ქვემო ალვანში საცხოვრებელი სახლების დაცვის მიზნით მდინარე ალაზნის კალაპოტის დაღრმავება-გასწორხაზოვნებას; ალავერდის სამონასტრო კომპლექსის დაცვის მიზნით ზ.ხოდაშნის ხევის კალაპოტის დაღრმავება-გასწორხაზოვნებას; სოფელ მატანში საავტომობილო გზის დაცვის მიზნით მდ.ილტოს კალაპოტის დაღრმავება-დასწორება და სოფელ მატანში გზისა და სასოფლო-სამეურნეო სავარგულების დაცვის მიზნით მდინარე ალაზნის კალაპოტის რეგულირება დამცავი დამბის მოწყობის საშუალებით.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: ახმეტის მუნიციპალიტეტის 2019 წლის სოფლის მხარდაჭერის პროგრამის ფარგლებში დასაფინანსებელი პროექტების დამტკიცების შესახებ;

მომხსენებელმა გააცნო საკითხი ბიუროს წევრებს. აღნიშნა, რომ სოფლებში ჩატარდა კრებები, გამოვლინდა პრიორიტეტები. მუნიციპალიტეტმა თანადაფინანსება მიიღო სოფელ კოდოთოში სპორტული ინფრასტრუქტურის პროექტის განხორციელებაში, ხევისჭალაში შიდა საუბნო გზების რეაბილიტაციის და სოფ. კასრისწყალში კულტურის სახლის რეაბილიტაციის პროექტებზე.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

სხვა კითხვები და წინადადებები არ ყოფილა.

ბიუროს სხდომა დაიხურა 11⁵⁰ საათზე.

საკრებულოს თავმჯდომარე:



თ.ყეინიშვილი